

GO RUTA SETSWANA O IKAEGILE MO SETSO-TIKOLOGONG

Noleen Kgosioma

ENVIRONMENTAL EDUCATION IN THE TEACHING OF SETSWANA

Activities that can benefit the teaching of environmental education in schools through Setswana as a language: environmental clubs, community involvement, debate, physical training, singing traditional songs, activities in the class e.g. riddles, reciting etc.

Maitemogelo ke gore Batswana jaaka merafe e mengwe ba kelotlhoko mo loagong lwa bona e bile mo mabakeng a mantsi ba bontshitse kgatlhego ya bona ka go nna le metshameko ya setso. Ka ntsha ya tlhabologo ya Basweu mekgwa le dingwao tsa Batswana di a nyelala.

Dithamalakwane ke mongwe wa metshameko wa maitiso o o mosola mo baneng ba Batswana. Di tlhabe botlhale, di oketsa kitso le go katisa bana go nna kelotlhoko le go itse ka dilo tsa loago tse di ba farafarileng. Di na le metlae go tshaletsa e bile bana ba kgona go tshaletsa dilo tsa tlhago ka manontlholo. Ke lemogile fa go ka nna mosola go ka ruta dithamalakwane kwa sekolong e le motshameko, bogolo fa morutabana a lemoga gore barutwana ba lapile ka nako ya dithuto.

MOTSHAMEKO

Pele bana ba dira motshameko o, ba tshwanetse ba bo ba rutilwe mekgwa e le meraro e e farologaneng ya go lotha. Bana ba tla kgaogangwa ka ditlhophadi le pedi. A le mongwe mo setlhopheng sa ntsha e nna mmotsi mme yo o arabang go tswa mo setlhopheng sa bobedi a nna mmodiwa. Motshameko o tswelela pele ka mokgwa o o lateelang:

- a. Mmotsi: Ke a go lotha!
Mmodiwa: Ka eng?
Mmotsi: Mosese wa ga Mmakgothi marantha.
Mmodiwa: Ke dinaledi.
- b. Mmotsi: Thaii!
Mmodiwa: Ka eng/Kang?
Mmotsi: Pula e na matsorotsoro nkgwana ya poru ga e tlale.
Mmodiwa: Ke motlhoboloko.
- c. Mmotsi: Mpoletse dilo o mpoletse gore ke a le a bopeletse matebele ke eng?
Mmodiwa: Ke a se reka (fa a sa itse karabo).
Mmotsi: Ka eng?
Mmodiwa: Betefuti yo o tlhako ditshweu.
Mmotsi: Ga ke itse.
Mmodiwa: Ya me ke ditshoswane.
Mmotsi: Ya me ke mokhasi.

Selo sa botlhokwa ke gore morago ga motshameko, bana ba tla bo ba ithutile ka loago lwa bona.

MOKGATLHO WA SETSO

Mokgatlho wa setso o ikaegile ka Thutotikologo o ka tlhangwa. Mokgatlho o, o tshwanetse go itse loago lwa ona sentle. Ditiro tsa mokgatlho e ka nna go tlhama maboko le dipina tsa Setswana, go nna le metshameko ya diterama. O ka laletsa dikolo tse dinwe go tla go tshotlha kgang ya loago lwa bona. Sekao: mokgwa o o ka dirisiwang go phepafatsa tikologo ya bona.

DIKGANETSANO

Go ka nna le dikganetsano mo bana ba tshwanetseng go fiwa ditlhago tse di amanang le Thutotikologo. Sekao: mosola wa thulaganyo ya lelapa. Setlhago tse tshwana le se, se thusa bana go nna kelotlhoko ka loago le tlhago. Bana ba ka batlisisa bonnete ka go buisa le go bona dintlha tse dingwe mo bagolong go ya ka setso.

DIDIRISWA TSA BATSWANA

Barutabana ba ka tsaya bana ba ba isa kwa lefelong le tshwana le la Setso kwa Garona. Koo, bana ba ka kgona go bona le go ithuta ka didiriswa tsa Batswana tse di dirilweng ka dilo tsa tlhago. Go dira jaana, bana ba tla lemoga gore botshele jwa Motswana bo itshetlegile mo tlhagong.

IKATISO

Bana ba ka rutwa dipina tsa setso. Ka nako ya go ikatisa, bana ba ka kgaogangwa ka ditlhophadi tse pedi. Setlhophadi se sengwe se ka opela fa se sengwe se ka bina ka go etsa metsao ya digwagwa kgotsa diphologotswana dingwe.

SEABE SA BAGOLO

Bagolo le bona ba tshwanetse go nna le seabe mo thutong ya bana. Morutabana a ka kopa bagolo bangwe ba Batswana go tla go bua ka dilo dingwe tsa setso tse bana ba tshwanetseng go di tsaya tsia mo botshelong fa ba gola. Ba ku bua ka: meila ya Setswana, lenyalo la Setswana j.j.

REFERENCES

- MOGAPI K. 1980: *Sefalana sa ditso tsa Setswana*. Longman Penguin Southern Africa. Cape Town
- SEBONI M.O.M. 1962: *Diane le maele a Setswana*. The Lovedale Press. Fort Hare.

*If you plan for a year,
Sow a seed.
If you plan for a decade,
Plant a tree.
If you plan for a century,
Educate the people.*

An old Chinese aphorism